



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU HRVATSKE ČISTE STRANKE PRAVA „DR. ANTE STARČEVIĆ“

Broj: 03-07-6-9/09
Sarajevo, 02. marta 2010. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja Hrvatske čiste stranke prava „dr. Ante Starčević“ za 2008. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Na osnovu obavljenog pregleda godišnjeg finansijskog izvještaja utvrđeno je da je Hrvatska čista stranka prava „dr. Ante Starčević“ prekršila odredbe člana 11. stav (1) i (3) Zakona o finansiranju političkih stranaka.**

Na osnovu našeg pregleda, odnosno kontrole finansijskog izvještaja, osim gornje napomene pod 1., nismo zapazili ništa značajno što bi ukazalo na nedostatke u finansijskom izvještaju ili finansiranju ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Hrvatske čiste stranke prava „dr. Ante Starčević“ za 2008. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka je iskazala prihode u iznosu od 5.900,00 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u Uk.prih. %
1	Članarina	0,00	0,00%
2	Prilozi fizičkih lica	3.800,00	64,41%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	2.100,00	35,59%
	Ostali prihodi	0,00	0,00%
	Ukupni prihodi:	5.900,00	100,00%

U godišnjem finansijskom izvještaju Hrvatska čista stranka prava „dr. Ante Starčević“ je iskazala ukupne rashode u iznosu 1.955,00 KM.

2. PREDSTAVLJANJE POLITIČKE STRANKE

Naziv političke stranke: Hrvatska čista stranka prava „dr. Ante Starčević“. Skraćeni naziv: HČSP DR.ANTE STARČEVIĆ.

Politička stranka je registrovana 17.05.2006. godine u Kantonalnom sudu u Livnu, broj upisa 010-0-V-06-000-006.

Sjedište političke stranke je u Tomislavgradu, Prisoje, Bare bb.

Lice ovlašteno za zastupanje stranke je Tadija Ljubičić, predsjednik.

Lice ovlašteno za podnošenje finansijskih izvještaja za 2008. godinu je Tadija Ljubičić.

Prema podacima iz finansijskog izvještaja Hrvatske čiste stranke prava „dr. Ante Starčević“ nema organizacione dijelove nižeg nivoa (entitetske, kantonalne, opštinske).

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske čiste stranke prava „dr. Ante Starčević“ za 2008. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske čiste stranke prava „dr. Ante Starčević“ obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

4. PRETHODNE KONTROLE I REVIZIJE

Pregled i kontrola finansijskih izvještaja se obavlja prvi put.

5. NALAZI I PREPORUKE

5.1. NALAZI

Hrvatska čista stranka prava „dr. Ante Starčević“ je prekršila odredbe člana 11. stav (1) i (3) Zakona o finansiranju političkih stranaka.

- Hrvatska čista stranka prava „dr. Ante Starčević“ ne vodi evidencije o svojim prihodima i rashodima, što je suprotno odredbi člana 11. stav (1) Zakona o finansiranju političkih stranaka.
- Stranka nije popunila obrasce godišnjeg finansijskog izvještaja za 2008. godinu u skladu sa Pravilnikom o godišnjim finansijskim izvještajima političkih stranaka, što nije u skladu sa odredbom člana 11. stav (3)¹ Zakona o finansiranju političkih stranaka.

Kontrolom je utvrđeno da je Hrvatska čista stranka prava „dr. Ante Starčević“ u obrascu 3 (ukupni prihodi), na stavci priloga fizičkih lica, iskazala i pozajmice fizičkih lica. U skladu sa članom 5. Pravilnika o godišnjim finansijskim izvještajima političkih stranaka u obrazac 3 se unose podaci o prihodima stranke, a ne pozajmicama. S druge strane, stranka je i u obrascu pozajmica, kredita i dugova na dan 31.12.2008. godine iskazala pozajmice od fizičkih lica u iznosu od 3.800,00 KM, sa napomenom da su vraćene. Imajuću u vidu da se finansijski izvještaj odnosi za period 01.01.-31.12.2008. godine, Hrvatska čista stranka prava „dr. Ante

¹ Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH, a čiji je sadržaj i forma propisan Pravilnikom o godišnjim finansijskim izvještajima političkih stranaka.

Starčević“ je u finansijski izvještaj trebala unijeti samo podatke o obavezama po pozajmicama prema fizičkim licima koje je imala na dan 31.12.2008. godine.

Stranka nije pravilno popunila ni obrazac 2 (pregled prometa svih transakcijskih računa političke stranke), što nije u skladu sa članom 11. Pravilnika o godišnjim finansijskim izvještajima političkih stranaka. Naime, Hrvatska čista stranka prava „dr. Ante Starčević“ je u obrascu 2 iskazala promet ulaza u iznosu od 5.900,00 KM, odnosno promet izlaza u iznosu od 5.895,00 KM. Služba za reviziju je izvršila uvid u izvode sa transakcijskog računa stranke i utvrdila da je promet ulaza iznosio 12.868,22 KM, odnosno promet izlaza 12.868,54 KM².

5.2. PREPORUKE

Preporučuje se Hrvatskoj čistoj stranci prava „dr. Ante Starčević“ da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 11. stav (1) i (3) Zakona o finansiranju političkih stranaka, odnosno*
 - *da vodi evidencije o svojim prihodima i rashodima, i*
 - *da finansijske izvještaje koje podnosi Centralnoj izbornoj komisiji BiH sačinjava u skladu sa Pravilnikom o godišnjim finansijskim izvještajima političkih stranaka.*

- *da ustroji adekvatne knjigovodstvene evidencije, kao pretpostavku za pravilno finansijsko izvještavanje.*

KOMENTAR:

U ostavljenom roku, Hrvatska čista stranka prava „dr. Ante Starčević“ nije se očitovala na nalaze i mišljenje revizora dato u Preliminarnom izvještaju o pregledu godišnjeg finansijskog izvještaja za 2008. godinu.

Mr. Hasida Gušić, šef Službe za reviziju

Sanja Čabrilo, revizor

² Izvodi sa transakcijskog računa od br. 1- 21.